

N valgügn consëis da adoré le Bingo

Le jüch dl Bingo pó gní adoré sciöche jüch da mësä da mituns y mitans tl'eté da jí a scora, te n contest scolastich o ince extrascolastich (ciari ales istruziuns dl jüch) y ince da porsones adultes, mo pó sambëgn ince gní tut ca por promöie n barat inter- y transcultural y por ativités linguistiches desvalies cun liví de dificulté desfarënc.

Te n contest scolastich pó les ativités de jüch gní pitades te L2 o te n lingaz forest. Ara vá ince saurí da lascé tó pert al jüch mituns y mitans che baia d'atri lingac che chi dá dant tl jüch injuntan ales parores scrites sön les chertes la parora tl lingaz dla uma dl möt o dla möta.


A ciasa y te familia pó le Bingo ester d'ütl por daidé i mituns y les mitans svilupé sües abilités da lí y da scrí te so lingaz dla uma.

Por les porsones adultes pó chësc jüch ince ester na stimolaziun da imparé dlungia i trëi lingac provinziai ofiziai (todësch, talian y ladin) ince val' parora te d'atri lingac.

Chëstes propostes chiló dessot é da capí sciöche consëis y n'á degöna pretenjiun de completëza.

1. Chirí y abiné parores	<ul style="list-style-type: none">• Metede dötes les chertes ilustrades otes söpert sön mësä. Dijede dadalt l'inom de valch che vëgn rapresenté sön na cherta y che che tol pert al jüch mëss chirí la cherta corespognënta.• Inviede les porsones che tol pert al jüch da mëte adöm les chertes aladô de tematices: cité, campagna, munt, bosch, lech, lüch da paur, tëmp lëde, jüch, mangé, tradiziuns. Pro vigni tematica podëise ince ragrupé les chertes aladô di verbs y sostantifs.• N'atra poscibilité é chëra da fá na classificaziun fonologica: inviede che che tol pert al jüch da mëte adöm dötes les parores che á le medemo sonn (p.ej. "sch") y da les scrí sö.• Ara vá ince da chirí sön les chertes parores che sona anfat ti lingac desvalis, belanfat cal che é le significat dla parora. Chësc pó ester na stimolaziun da imparé da conëscë parores nöies te d'atri lingac.• Jüc de parores y lëtres: a pers o te de pici grups vëgnel chirí dötes les chertes cun n'imaja che scomëncia cun la "A", spo cun "B" y insciö inant.• Jüc da cunté: che che tol pert al jüch se chir fora na cherta y cunta, pian ia dal'ilustraziun sön la cherta, na picia storia (p.ej. sön la vita da vigni de, la scora, le tëmp lëde o val' avenimënt particular).• La medema ativité pó gní fata sce an tira a caje döes o trëi chertes y s'invënta na storia che contëgn ci che an vëiga lassura.
2. Jüc de domandes y respostes	An tira na cherta a caje y ti fej al grup o ala porsona che dëida soghé domandes che reverda l'imaja sön la cherta: p.ej. Che de os sá pa da jí cun i schi? A che ti sál pa bel da jadiné? Da ci te aste pa vistí da carlascé?
3. Jüch da stomé: I vëighi, i vëighi cizé che tö ne vëighes nia	N grup da dui cina cin' mituns y mitans é senté incër les chertes sön mësä cun l'imaja ota söpert. Un/Öna ti ciara avisa ales imajes y chir fora n oget. Zënza dí ci oget che al é, nominëiel n valgönes carateristiches dl oget chirí fora y dij: I vëighi, i vëighi

	<p>cizé che tö ne vëighes nia y chël é cöce, pice, duc; an pó le mangé". Düc proa da stomé. Che che ciafa fora l'oget miné, pó chirí fora le proscimo oget da stomé.</p>
<p>4. Le jüch dl cufer</p>	<p>Por fá chësc jüch él da chirí fora danter les 102 chertes ma chères che rapresentëia n oget che an pó mëte te cufer y 4-5 chertes che rapresentëia ogec che ne vá propi nia da trasporté. Dötes les chertes chirides fora vëgn metüdes amesa mësa, an pó ti ciaré mo spo dedô vëgneres indô curides. Che che tol pert al jüch se sënta te n cërtil y öna na porsona mët man dijon:" I feji le cufer y me toli para ..." y dij spo l'inom de n oget ciaran da se recordé i ogec dles chertes che é sön mësa. Spo ojera öna dles chertes che é sön mësa a na moda che düc pois la odëi. Sce sön la cherta él l'oget nominé, póra se la tó, la mëte dan da se curida sön mësa y nominé le proscimo oget che ara ó se tó para te cufer. Sce la cherta ne vá nia a öna cun l'oget nominé, éra indô da mëte curida sön mësa y ara ti toca ala proscima porsona, che ne pó indere nia nominé l'oget che ara á dër odü.</p> <p>Che che tira na cherta cun n oget che ne vá propi nia da mëte te cufer, mëss desmostré che al se recorda ciamó de döt ci che al á metü cina te chël momënt te cufer, chël ó dí dles chertes che al á dailó dan da él te n poch, zënza ti ciaré. Sce al é bun da cumpedé sö düc i ogec pól se tigní dötes les chertes. Les chertes che ne vëgn nia nominades, mëss indô gní metüdes curides amesa mësa. La cherta cun l'oget che ne vá nia da mëte te cufer vëgn tuta fora dal jüch, ater co sce che che l'á trata á te chël momënt n cufer öt; te chësc caje vëgn la cherta indô metüda curida sön mësa.</p> <p>Le jüch se röia canche al n'é nia plü ogec da mëte te cufer. Che che á le plü ogec te so cufer á davagné.</p>




Koordinierungsstelle für Integration
 Servizio di coordinamento per l'integrazione
 Coordinamënt por l'integraziun

